

Na osnovu člana 110. Zakona o visokom obrazovanju („Službene novine Hercegovačko-neretvanskog kantona“, br. 4/2012)) i člana 168. Statuta Univerziteta “Džemal Bijedić” u Mostaru, Senat Univerziteta Univerziteta “Džemal Bijedić” u Mostaru je na 143. sjednici, održanoj dana 26.1.2023. godine, donio

**PRAVILNIK O PRIZNAVANJU POLOŽENIH ISPITA I ECTS STUDIJSKIH BODOVA
NA UNIVERZITETU “DŽEMAL BIJEDIĆ” U MOSTARU
DIO PRVI – OPĆE ODREDBE**

Član 1.

(Predmet Pravilnika)

Pravilnikom o priznavanju položenih ispita i ECTS studijskih bodova na Univerzitetu “Džemal Bijedić” u Mostaru (u daljem tekstu: Pravilnik) utvrđuju se postupak i kriteriji priznavanja ispita i ECTS studijskih bodova na Univerzitetu “Džemal Bijedić” u Mostaru (u daljem tekstu: Univerzitet) položenih na drugim visokoškolskim ustanovama u Bosni i Hercegovini, kao i postupak priznavanja ispita položenih na organizacionim jedinicama/univerzitetskim studijima na Univerzitetu.

Član 2.

(Nadležnost za postupak priznavanja položenih ispita)

- (1) U postupku priznavanja položenih ispita i ECTS studijskih bodova nadležna je organizaciona jedinica/univerzitetski studij Univerziteta na kojoj se realizira studijski program odnosno ispiti i ECTS studijski bodovi čije priznavanje je predmet postupka.
- (2) U provođenju postupka priznavanja položenih ispita i ECTS studijskih bodova, organizaciona jedinica/univerzitetski studij dužna je vršiti usklađivanje sa Evropskim prostorom visokog obrazovanja, poštujući načela fleksibilnosti, mobilnosti i prohodnosti.

DIO DRUGI – KRITERIJI I POSTUPAK ZA PRIZNAVANJE POLOŽENIH ISPITA

Član 3.

(Pravo na pokretanje postupka priznavanja ispita)

- (1) Studenti koji su uspješno okončali studij ili dio studija na drugim visokoškolskim ustanovama imaju pravo podnijeti zahtjev za priznavanje položenih ispita i ECTS studijskih bodova.
- (2) Studenti koji su prešli sa jednog na drugi nastavni plan i program u slučajevima kada ih sustigne izmijenjeni nastavni plan i program na istoj organizacionoj jedinici/univerzitetskom studiju/odsjeku, te studenti koji su prešli sa jednog na drugi studijski program na istoj organizacionoj jedinici/univerzitetskom studiju, kao i studenti koji su prešli sa jedne na drugu organizacionu jedinicu/univerzitetski studij Univerziteta, imaju pravo podnijeti zahtjev za priznavanje položenih ispita i ECTS studijskih bodova.

Član 4.

(Pokretanje postupka)

- (1) Postupak priznavanja položenih ispita pokreće se na zahtjev studenta za priznavanje ispita i ECTS studijskih bodova na određenom studijskom programu.

- (2) Zahtjev se podnosi organizacionoj jedinici/univerzitetskom studiju iz člana 2. ovog pravilnika, na utvrđenom obrascu koji je sastavni dio Pravilnika.
- (3) Za pripremanje prijedloga o priznavanju položenih ispita i ECTS studijskih bodova Naučno-nastavno vijeće organizacione jedinice/univerzitetskog sudija (u daljem tekstu: Naučno-nastavno Vijeće) imenuje Komisiju za provođenje postupka priznavanja ispita i ECTS studijskih bodova koja se sastoji od najmanje tri člana, od kojih je jedan obavezno prodekan za nastavu/voditelj studija/šef odsjeka, koji je ujedno i predsjednik Komisije.
- (4) Komisija iz prethodnog stava imenuje se kao stalno tijelo, sa mandatom od jedne akademske godine na organizacionoj jedinici/univerzitetskom studiju/odsjeku, i to najkasnije sedam dana prije početka akademske godine.
- (5) Ukoliko na organizacionoj jedinici postoji više odsjeka, Naučno-nastavno vijeće organizacione jedinice imenuje komisiju/e za svaki odsjek pojedinačno. Odluku o imenovanju komisije/a donosi Naučno-nastavno vijeće organizacione jedinice, na prijedlog odsjeka.
- (6) Izuzetno, Naučno-nastavno vijeće može imenovati i posebnu ad hoc komisiju, za rješavanje pojedinačnog zahtjeva, za čije imenovanje će razlozi biti obrazloženi u Odluci o imenovanju navedene Komisije.
- (7) Rok za rješavanje pojedinačnog zahtjeva je 40 dana od datuma prijema zahtjeva, uz uvjet da je podnositelj zahtjeva dostavio potpunu dokumentaciju.
- (8) U slučaju nepotpune dokumentacije podnositelj zahtjeva će pismenim putem od strane Komisije za provođenje postupka priznavanja ispita i ECTS studijskih bodova biti obaviješten o obavezi dopune iste.
- (9) Rok za dopunu dokumentacije iz prethodnog stava je 10 dana od dana prijema obavijesti.
- (10) Ukoliko po isteku ostavljenog roka dokumentacija ne bude upotpunjena, zahtjev neće biti razmatran, o čemu će kandidat biti obaviješten u roku od 7 dana od strane dekana organizacione jedinice odnosno voditelja studija.

Član 5.

(Dokumentacija)

Uz zahtjev za priznavanje položenih ispita i ECTS studijskih bodova kandidat je dužan priložiti sljedeću dokumentaciju:

- a) Original uvjerenje o položenim ispitima ili ispisnica iz kojeg je vidljiva ocjena položenog/ih ispita i broj ECTS studijskih bodova;
- b) Ovjeren Nastavni plan i program u okviru kojeg se nalaze položeni ispiti, uključujući i silabuse položenih ispita;
- c) Drugu dokumentaciju koja može biti relevantna u postupku vrednovanja.

Član 6.

(Odlučivanje po zahtjevu)

- (1) Komisija za provođenje postupka priznavanja položenih ispita i ECTS studijskih bodova (u daljem tekstu: Komisija) iz člana 4. stav (3) odnosno stav (5) ovog Pravilnika utvrđuje sve činjenice i okolnosti bitne za utvrđivanje prijedloga o priznavanju položenih ispita (u daljem tekstu: Prijedlog).
- (2) Komisija utvrđuje da li se ishodi učenja, nivo i vrsta znanja, vještina i kompetencija stečenih na prethodno položenim ispitima bitno ne razlikuju od ishoda učenja, nivoa i vrste znanja, vještina i kompetencija koje se stiču na predmetima čije se priznavanje traži.

- (3) Ukoliko ishodi učenja, nivo i vrste znanja, vještina i kompetencija nisu precizno definisani, Komisija može cijeniti sadržaj programa položenog predmeta.
- (4) Komisija u postupku cijeni sadržaj programa položenog predmeta i upoređuje sa sadržajem predmeta čije priznavanje se traži.
- (5) Prilikom odlučivanja o zahtjevu, ukoliko je potrebno, Komisija može zatražiti mišljenje predmetnog nastavnika.
- (6) Komisija u izvještaju predlaže status studenta i godinu studija na kojoj podnosilac zahtjeva nastavlja obrazovanje i to na način:
- a) da se podnosiocu zahtjeva koji prelazi sa istog studijskog programa sa druge visokoškolske ustanove priznae godina studija na koju je bio upisan na visokoškolskoj ustanovi sa koje prelazi na Univerzitet;
 - b) da se podnosiocu zahtjeva koji prelazi sa jednog na drugi nastavni plan i program u slučajevima kada ga sustigne izmijenjeni nastavni plan i program na istoj organizacionoj jedinici/univerzitetskom studiju/odsjeku Univerziteta priznae godina na koju je bio upisan;
 - c) u ostalim slučajevima Komisija u svom izvještaju predlaže godinu studija u kojoj će podnosilac zahtjeva biti upisan.
- (7) U slučajevima iz tačke a) i b) prethodnog stava, podnosiocu zahtjeva se utvrđuje eventualna obaveza polaganja razlike predmeta, koju Komisija navodi u svom izvještaju.
- (8) Komisija odlučuje većinom glasova.
- (9) Nakon provedenog postupka priznavanja položenih ispita, Komisija je dužna najkasnije u roku od 10 dana od dana prijema zahtjeva podnijeti izvještaj sa obrazloženim prijedlogom o priznavanju Naučno-nastavnom vijeću.
- (10) Izvještaj iz stava (9) ovog člana obavezno sadrži: podatke o podnositelju zahtjeva, studijskom programu na kojem su položeni ispiti, studijskom programu na kojem su predmeti čije se priznanje traži, godinu u koju se podnosilac zahtjeva upisuje, eventualnu razliku predmeta koje podnosilac zahtjeva mora položiti, status u kojem se podnosilac zahtjeva upisuje, kao i obrazloženi prijedlog Komisije da se ispit/i:
- a) prizna u cijelosti;
 - b) prizna djelomično, uz obavezno utvrđivanje nastavnih cjelina koje je student dužan položiti;
 - c) odbije u potpunosti.

Član 7.

(Postupanje po prijedlogu komisije)

- (1) Na osnovu prijedloga Komisije, Naučno-nastavno vijeće donosi odluku o prihvatanju/neprihvatanju prijedloga Komisije.
- (2) Naučno-nastavno vijeće može donijeti odluku kojom prijedlog Komisije vraća na ponovno razmatranje i donošenje prijedloga.
- (3) Komisija je dužna prijedlog iz stava 2. ovog člana dostaviti Naučno-nastavnom vijeću u roku od 15 dana od dana donošenja odluke Naučno-nastavnog vijeća.
- (4) Na osnovu prijedloga Komisije iz stava 1. ovog člana, Naučno-nastavno vijeće donosi odluku o prihvatanju/neprihvatanju prijedloga Komisije.
- (5) Na osnovu Odluke iz stavova (1) i/ili (4) ovog člana, dekan organizacione jedinice odnosno voditelj univerzitetskog studija u roku od 7 dana od dana održavanja sjednice Naučno-nastavnog vijeća donosi rješenje o priznavanju, uslovnom priznavanju položenih ispita, odnosno odbijanju zahtjeva za priznavanje položenih ispita.

(6) Rješenjem o priznavanju položenih ispita i ECTS studijskih bodova utvrđuju se priznati ispit/i i ECTS studijski bodovi, status studenta, godina studija i eventualna razlika predmeta, a na osnovu izvještaja komisije i odluke Naučno-nastavnog vijeća.

(9) Rješenjem o uslovnom priznavanju pored podataka iz stava (6) ovog člana navode se dodatni uslovi koje je podnosilac zahtjeva dužan ispuniti za priznavanje.

(10) U rješenju o odbijanju zahtjeva za priznavanje položenih ispita navode se razlozi za odbijanje zahtjeva.

Član 8.

(1) Protiv rješenja iz člana 7. ovog Pravilnika može se izjaviti žalba Senatu Univerziteta, u roku od 15 dana od dana njegovog prijema.

(2) Rješenje Senata po žalbi je konačno.

Član 9.

(Priznavanje položenih ispita i konverzija ocjena)

(1) Priznavanjem položenog/ih ispita priznaje se i ocjena kojom je student ocijenjen, te ostvareni broj bodova u skladu sa ECTS pravilima.

(2) Ukoliko student dolazi sa druge visokoškolske ustanove gdje je različit sistem ocjenjivanja, konverzija ocjena se vrši po sljedećoj formuli:

$$O_u = \frac{6 \times I_{Omax} - 10 \times I_{Omin} + 4 \times O_i}{I_{Omax} - I_{Omin}} \quad \text{gdje je}$$

O_u – Ekvivalentna ocjena na Univerzitetu

O_i – Ocjena sa institucije koja se preračunava

I_{Omin} – Najlošija prolazna ocjena na instituciji

I_{Omax} – Najbolja ocjena na instituciji

Ako dobijena vrijednost ocjene O_u nije cijeli broj ona se zaokružuje na najbližu cjelobrojnu vrijednost.

dovoljan (2)

$$\frac{6 \times 5 - 10 \times 2 + 4 \times 2}{5 - 2} = \frac{18}{3} = \text{Ekvivalentna ocjena šest-6 (E)}$$

dobar (3)

$$\frac{6 \times 5 - 10 \times 2 + 4 \times 3}{5 - 2} = \frac{22}{3} = 7,33 \quad \text{Ekvivalentna ocjena sedam-7 (D)*}$$

*zaokruženo na najbližu cjelobrojnu vrijednost

vrlo dobar (4)

$$\frac{6 \times 5 - 10 \times 2 + 4 \times 4}{5 - 2} = \frac{26}{3} = 8,66 \quad \text{Ekvivalentna ocjena devet-9 (B))*}$$

*zaokruženo na najbližu cjelobrojnu vrijednost

odličan (5)

$$\frac{6 \times 5 - 10 \times 2 + 4 \times 5}{5 - 2} = \frac{30}{3} = \text{Ekvivalentna ocjena deset-10 (A)}$$

Član 10.

(Postupanje po priznavanju)

- (1) Organizaciona jedinica/ univerzitetski studij je obavezna izvršiti upis položenih ispita u indeks studenta, uz naznaku da je ispit priznat, te upisati priznatu ocjenu/e.
- (2) Original potpisanog i ovjerenog Rješenja o priznatim ispitima I ECTS studijskim bodovima dostavlja se studentu, arhivi organizacione jedinice/univerzitetskog studija i u dosje studenta.

TREĆI DIO – PRELAZNE I ZAVRŠNE ODREDBE

Član 11.

(Izmjene i dopune)

Izmjene i dopune Pravilnika o priznavanju položenih ispita vršit će se po istoj proceduri predviđenoj za njegovo donošenje.

Član 12.

(Stupanje na snagu)

Pravilnik stupa na snagu danom donošenja.

PREDSJEDAVAJUĆA SENATA
UNIVERZITETA "DŽEMAL BIJEĐIĆ" U MOSTARU

Prof. dr. Alena Huseinbegović, rektorica

Broj: 101-250-1/23

Mostar, 26.1.2023. godine



Ime i prezime podnosioca zahtjeva: _____

Adresa stanovanja: _____

Kontakt telefon: _____

E-mail adresa: _____

Univerzitet „Džemal Bijedić“ u Mostaru

Naziv organizacione jedinice/univerzitetskog studija kojoj se podnosi zahtjev: _____

Komisija za provođenje postupka priznavanja ispita i ECTS studijskih bodova

N/R: Predsjednik Komisije

PREDMET: ZAHTJEV ZA PRIZNAVANJE ISPITA I ECTS STUDIJSKIH BODOVA

Naziv visokoškolske ustanove na kojoj je podnosilac zahtjeva položio ispite i stekao ECTS bodove:

Naziv organizacione jedinice/univerzitetskog studija na kojoj je podnosilac zahtjeva položio ispite i stekao ECTS bodove:

Naziv studijskog programa na kojoj je podnosilac zahtjeva položio ispite i stekao ECTS bodove:

Status u kojem podnosilac zahtjeva želi biti upisan/a:

a) redovan ili a-1) redovan uz plaćanje

b) vanredan

c) DL student

EVENTUALNE NAPOMENE:

Uz zahtjev prilažem:

- Original uvjerenje o položenim ispitima (transkript) /ispisnica;
- Ovjeren Nastavni plan i program u okviru kojeg se nalaze položeni ispiti, uključujući i silabuse položenih ispita;
- Dokaz o izvršenoj uplati na ime troškova rješenja o priznavanju ispita.

DATUM PODNOŠENJA ZAHTJEVA:

POTPIS PODNOSIOCA ZAHTJEVA:

Broj: _____

Mostar, _____

Na osnovu Odluke Naučno-nastavnog vijeća _____, a u skladu sa članom 7. Pravilnika o priznavanju položenih ispita i ECTS studijskih bodova na Univerzitetu "Džemal Bijedić" u Mostaru i članom 182. Statuta, dekan organizacione jedinice/ voditelj univerzitetskog studija _____ donosi sljedeće:

RJEŠENJE

1. Odobrava se upis kandidata/kinje _____ u _____ godinu u statusu _____ studenta na organizacionu jedinicu/univerzitetski studij _____ na Univerzitetu „Džemal Bijedić“ u Mostaru.
2. Kandidatu/kinji _____ se priznaju položeni ispiti i ECTS studijski bodovi na _____ fakultetu _____ Univerziteta u _____, te se imenovani oslobađa pohađanja nastave i polaganja ispita na organizacionoj jedinici _____/univerzitetskom studiju _____ Univerziteta „Džemal Bijedić“ u Mostaru, iz sljedećih predmeta:

Redn i broj	Naziv predmeta	Priznaje se (u cjelosti ili djelomično)	Dio predmeta koji je potrebno polagati	Ocjen a	ECTS studijski bodovi
1.					
2.					
3.					
4.					
Zaključno sa rednim brojem ____ ()					

3. Kandidat/kinja je dužan/na, nakon sticanja statusa studenta, polagati sljedeći razliku predmeta od _____ do _____ semestra:

Redni broj	Naziv predmeta	Semestar	ECTS studijski bodovi
1.			
2.			

3.			
4.			
Zaključno sa rednim brojem ____ . ()			

OBRAZLOŽENJE

Dana ____ . godine kandidat/kinja ____ je podnio/jela zahtjev za priznavanje ispita i ECTS studijskih bodova na organizacionoj jedinici ____ /Univerzitetskom studiju ____ Univerziteta „Džemal Bijedić“ u Mostaru položenih na ____ fakultetu Univerziteta u ____.

Odlukom Naučno-nastavnog vijeća organizacione jedinice/univerzitetskog studija: ____ broj: ____ od ____ godine, imenovana je Komisija za provođenje postupka priznavanja ispita i ECTS studijskih bodova na organizacionoj jedinici ____ /univerzitetskom studiju ____ Univerziteta „Džemal Bijedić“ u Mostaru za slučajeve prelaska sa drugih visokoškolskih ustanova, prelaska sa jednog na drugi studijski program na istoj organizacionoj jedinici/univerzitetskom studiju, te prelaska sa jedne na drugu organizacionu jedinicu/univerzitetski studij Univerziteta.

Dana ____ godine Komisija je na svojoj sjednici analizirala dostavljenu dokumentaciju kandidata/kinje ____, provela konsultacije sa predmetnim nastavnicima, analizirala i uporedila nastavne planove i programe relevantnih studija, utvrdila činjenice da se ishodi učenja, nivo i vrsta znanja, vještina i kompetencija stečenih na prethodno položenim ispitima bitno ne razlikuju od ishoda učenja, nivoa i vrste znanja, vještina i kompetencija koje se stiču na predmetima čije se priznavanje traži, utvrdila sve činjenice i okolnosti bitne za utvrđivanje prijedloga o priznavanju položenih ispita i ECTS studijskih bodova, provela postupak ocijene sadržaja programa položenog predmeta i uporedila sa sadržajem predmeta čije priznavanje se traži, te je svoj prijedlog za priznavanje ispita i ECTS studijskih bodova uputila Naučno-nastavnom vijeću na dalje postupanje.

Naučno-nastavno vijeće je na ____ . sjednici održanoj dana ____ godine, prihvatilo u cijelosti/djelomično prijedlog Komisije, na osnovu čega je odlučeno kao u dispozitivu.

POUKA O PRAVNOM LIJEKU:

Protiv ovog rješenja može se izjaviti žalba Senatu Univerziteta „Džemal Bijedić“ u Mostaru, u roku od 15 dana od dana njegovog prijema. Žalba se predaje pismeno na adresu: Sjeverni logor b.b..

Dostaviti:

1. Podnosiocu zahtjeva
2. Studentska služba
3. a/a

Dekan/Voditelj/ica studija

**IZVJEŠTAJ KOMISIJE ZA
PROVOĐENJE POSTUPKA PRIZNAVANJA ISPITA I ECTS STUDIJSKIG BODOVANA ORGANIZACIONOJ
JEDINICI/UNIVERZITETSKOM STUDIJU _____**

U skladu sa članom 4. stav (3) Pravilnika o priznavanju položenih ispita i ECTS studijskih bodova na Univerzitetu "Džemal Bijedić" u Mostaru, Odlukom Naučno-nastavnog vijeća organizacione jedinice/univerzitetskog studija imenovana je Komisija za provođenje postupka priznavanja ispita i ECTS studijskih bodova broj: _____ od xx. xx. 2023. godine. Komisija za provođenje postupka priznavanja ispita i ECTS studijskih bodova, imenovana od strane Naučno-nastavnog vijeća njega organizacione jedinice/univerzitetskog studija, sastala se dana xx. xx. 2023. godine u _____ Univerziteta "Džemal Bijedić" u Mostaru s ciljem pregleda pristiglih zahtjeva kandidata:

1. _____
2. _____
3. _____

Sastanku su prisustvovali:

1. _____ - prodekan za nastavu/voditelj studija, predsjednik Komisije;
2. _____ - član Komisije;
3. _____ - član Komisije.

Na osnovu razmatranja podnešenog zahtjeva i priložene dokumentacije (Original uvjerenje o položenim ispitima (transkript) iz kojeg je vidljiva ocjena položenog ispita i broj ECTS studijskih bodova i ovjeren Nastavni plan i program u okviru kojeg se nalaze položeni ispiti), upoređujući Nastavni plan i program na kojem je podnosilac zahtjeva položio ispite (u okviru kojeg se nalaze položeni predmeti) sa Nastavnim planom i programom na kojem se priznavanje traži, utvrđene činjenice da se ishodi učenja, nivo i vrsta znanja, vještina i kompetencija stečenih na prethodno položenim ispitima bitno ne razlikuju od ishoda učenja, nivoa i vrste znanja, vještina i kompetencija koje se stiču na predmetima čije se priznavanje traži, utvrđenih svih činjenica i okolnosti bitnih za utvrđivanje prijedloga o priznavanju položenih ispita i ECTS studijskih bodova, provedenog postupka ocijene sadržaja programa položenog predmeta i uporedbe sa sadržajem predmeta čije priznavanje se traži, kao i izvršenih konsultacija sa predmetnim nastavnicima, Komisija za provođenje postupka priznavanja ispita i ECTS studijskih bodova, u skladu sa članom 6. Pravilnika o priznavanju položenih ispita i ECTS studijskih bodova na Univerzitetu "Džemal Bijedić" u Mostaru, predlaže Naučno-nastavnom vijeću organizacione jedinice/univerzitetskog studija da se:

1. Kandidatu/kinji _____ dozvoli upis na _____ godinu studija na _____ u statusu _____ studenta, te da mu/joj se na osnovu ranijeg obrazovanja na _____ priznaju sljedeći ispiti:

Redni broj	Naziv predmeta	Ocjena	ECTS studijski bodovi
------------	----------------	--------	-----------------------

1.			
2.			
3.			
4.			
5.			
Zaključno sa rednim brojem __. ()			

Na osnovu čega se imenovani/a osloboda pohađanja nastave i polaganja ispita na _____ iz
sljedećih predmeta:

Redni broj	Naziv predmeta	Priznaje se	Potrebno polagati	Ocjena	ECTS studijski bodovi
1.					
2.					
3.					
4.					
Zaključno sa rednim brojem __. ()					

Kandidat/kinja _____ je dužan/na, nakon sticanja statusa studenta, polagati sljedeći razliku predmeta od _____ do _____ semestra:

Redni broj	Naziv predmeta	Semestar	ECTS studijski bodovi
1.			
2.			
3.			
4.			
5.			
Zaključno sa rednim brojem __. ()			

Članovi Komisije:

_____ - predsjednik Komisije;
 _____ - član Komisije
 _____ - član Komisije.

Mostar, _____

Broj: _____

Mostar, _____

Na osnovu člana 7. Pravilnika o priznavanju položenih ispita i ECTS studijskih bodova na Univerzitetu "Džemal Bijedić" u Mostaru, Naučno-nastavno vijeće Organizacione jedinice _____/univerzitetskog studija _____ je na _____. sjednici održanoj dana _____ godine, donosi sljedeću:

ODLUKU

o usvajanju Izvještaja Komisije za provođenje postupka priznavanja ispita i ECTS studijskih bodova

I

Usvaja se Izvještaj Komisije za provođenje postupka priznavanja ispita i ECTS studijskih bodova na organizacionoj jedinici _____/univerzitetskom studiju _____ broj: _____ od _____ godine.

II

Izvještaj Komisije za provođenje postupka priznavanja ispita i ECTS studijskih bodova na organizacionoj jedinici _____/univerzitetskom studiju _____ nalazi se u prilogu ove Odluke i čini njen sastavni dio.

III

Ova odluka stupa na snagu danom donošenja.

Dostaviti:

1. Studentska služba
2. a/a

PREDSJEDAVAJUĆI NAUČNO-NASTAVNOG VIJEĆA

